



*Statuta legenda in admiffione Baccalaureorum in Medicina,
ad quorum observationem finguli tenentur.*

Medicinae studiosus sex annos rem medicam discet, ejus lectionis auditor assiduus; Anatomias duas videat, semel respondeat, semel opponat, antequam Baccalaureus fiat.

Volumus, & admittendos coarctamus, nè quis infra limites hujus Universitatis publicè vel privatim tanquam *Practicator* in ista Facultate se intromittat, nisi hic vel alibi in Medicina rexerit, vel ad legendum licentiatus fuerit, seu per aliquem hic in medicina Regentem, ut idoneus, D. Cancellario, seu ejus vices gerenti fuerit praesentatus.

Insuper, ut in istiusmodi admiffionibus quisque tam ad legendum quàm ad practicandum per duos terminos infra biennium in ista Universitate se lecturum juret, sub poena tredecim solidorum & quatuor denariorum communi cistae infra dictum biennium solvendorum.

Jurabis quod haec omnia observasti & observabis, nisi aliter per gratiam per Academiam concessam dispensatum tecum fuerit, sicut te Deus adjuvet & sancta Dei Evangelia.

Ex Decret.
Academ.
Jun 1684.

Jurabis quod in Bibliothecam Publicam admiffus nihil quod ad ipsam pertinet sciens volens corrumpes, aut imminues, nullum Librum permutabis, auferesve, aut ipse per te, aut per alium quemvis, nisi eo modo, iisque conditionibus, quae per Universitatis Decreta requiruntur: Quodque sis Fure isto tuo sincerè, & bona fide usus, atque omninò ita ut (quantum in Te est) nihil inde accrescat Bibliotheca damni, Ita te Deus adjuvet & haec sancta Dei Evangelia.

*Statuta legenda in admiffione Studiosorum Chirurgiae ad praxin
Chirurgiae, ad quorum observationem finguli tenentur.*

Chirurgiae studiosus duas Anatomias faciat, tres ad minimum curationes se fecisse probet, antequam admittatur ad praxin Chirurgiae.

Volumus, & admittendos coarctamus, nè quis infra limites hujus Universitatis publicè vel privatim tanquam *Practicator* in ista Facultate se intromittat, nisi hic vel alibi in medicina rexerit, vel ad legendum licentiatus fuerit, seu per aliquem hic in medicina Regentem, ut idoneus, D. Cancellario, seu ejus vices gerenti fuerit praesentatus.

Insuper, ut in istiusmodi admiffionibus quisque tam ad legendum quàm ad practicandum per duos terminos infra biennium in ista Universitate se lecturum juret, sub poena viginti solidorum communi cistae infra dictum biennium solvendorum.

*Statuta legenda in admiffione Practicantium in Medicina,
ad quorum observationem finguli tenentur.*

Volumus, & admittendos coarctamus, nè quis infra limites hujus Universitatis publicè vel privatim tanquam *Practicator* in ista facultate se intromittat, nisi hic vel alibi in medicina rexerit, vel ad legendum licentiatus fuerit, seu per aliquem hic in medicina Regentem, ut idoneus, D. Cancellario, seu ejus vices gerenti fuerit praesentatus.

Insuper, ut in istiusmodi admiffionibus quisque tam ad legendum quàm ad practicandum per duos terminos infra biennium in ista Universitate se lecturum juret, sub poena viginti solidorum communi cistae infra dictum biennium solvendorum.

Singuli qui hic Gradum aliquem subituri sunt, astrictos & devinctos esse se intelligant, ut Statuta ac hujus Universitatis probatas Consuetudines pro viribus observent, utque ejusdem Universitatis pacem nullius rei praetextu perturbent, quin eos qui sic pacem perturbare noverint, ad Cancellarium seu ejus vices gerentem quamprimum deferant: quod denique honorem hujus Universitatis nostrae pro virili augeant, ornentque.

Quilibet Graduatus, dum moram traxerit in nostro municipio, Habitum habeat de proprio, Gradui suo competentem, quo Inceptionibus illius Facultatis cujus est Scholaris interesse poterit.

Postremò, Statutis nostris cautum est, nè quis hic ad Gradum aliquem admittatur, nisi se obedientem fore Cancellario aut ejus vices gerenti juraverit, seque sua Privilegia renuntiaturum, in quantum Privilegiis & Statutis Universitatis contrariantur: salvâ tamen semper Compositione inter Universitatem & Collegium Regale factâ.

*Si non sit
Gradua-
tus, hec
tria Sta-
tuta o-
mittan-
tur.*